

澤州志目錄

卷之一

地理志

沿革

疆域

分野

山川

古蹟

土產

風俗

祥異

卷之二

建置志

城池

官署

學校

祠祀

倉庫

驛鋪

塾堡

關梁

寺觀

坊鄉

集鎮

陂堰

賦役志

里甲

戶口

田畝

稅糧

鹽引

驛站

卷之四

名宦志

統轄裕州官蹟

本州宦蹟

職官志

官師

卷之五

人物志

古藩

鄉賢

忠烈

孝義

貞節

科第

貢監

耆碩

隱士

附耆碩內

流寓

仙釋

卷之六

藝文志

記誌

賦頌

詩詞

加志卷之六

藝文

裕古楚地也說者謂十五國皆有風而楚獨無風以其爲工化之所不及故太史攢焉而莫之採予竊謂裕不然裕北去汝墳化行之地越三舍耳而漢廣江永且遠暨裕南數百里外則裕固關雎鵲巢之所漸而被也風寧無足觀焉顧自疊罹寇氛之後殘碑斷碣散佚幾盡僅于榛

莽之中揅羅一二拂拭而輯載之附以近作庶
見韓陵片石可資纂述李杜文章光燄不墜云
爾

大乘山重興序

范致明

宋管勾學事

方城東三十里有山曰大乘有僧園曰普嚴院乃唐
古本禪師道場也左黃城右桐柏泉石幽深林巒秀
峙妙高峰上是建寶坊逝多林中可敷法座至於隨
緣見性對境悟真則空谷應聲虛室生白以自本覺

見自本心可以得智慧三昧一鳥不鳴萬籟俱寂
諸念慮淨慧發生可以得解脫法門所以達人先德
來此立緣後學初機于茲成道也本禪師南嶽讓之
曾孫百丈海之嫡子傳佛心印得大摠持四衆雲集
而示以不言二乘鼎峙而機鋒壁立當時之尊宿一
代之祖師也元和以後二百餘年傳記無聞廢興莫
考中間有見含珠哲禪師者惟著大乘山和尚之目
亦已失其名號自王朝開國有慧果禪師嗣廣教省

德遵禪師嗣石門徹皆闡道茲土廣開法會自爾荒
蕪復爲講席者又六十年天禧中慧燈駐錫于茲未
久復廢紹聖中雲漸傳燈于此亦不克振闡揚般若
其難若是豈盛衰之數亦自有時歟唯普巖有田園
之利可以具齋粥有邸舍之置可以供香火聚四方
之衆撞鐘擊鼓爲國家嚴修佛事蓋優爲之不幸貪
利嗜利之徒欲私之以爲法屬弟子之利徃徃伺間
覷隙攘而據之然則普巖所以屢爲講席非但緣契

事有如此者崇寧天子新美大政民俗安阜
福詔天下咸建崇寧萬壽寺于是郡以詔書從
事又且上體朝廷之意取舊所謂禪林而今爲律寺
者皆以大長老主院事聚徒傳法祝延皇帝千萬歲
壽由是普嚴復爲什方禪林乃請大洪僧自覺來紹
法席始至之日闢僧房爲海會之室易講所以師子
之座振大法音鳴大法鼓遠近僧俗見聞攝授自堂
序庭廡皆易而新之使來觀者如入廊廟雖未覩羽

靈恩生恭謹如聞蕭韶雖不知音亦有樂意故耽道
義味禪悅自拔于羣之門者多矣覺長安人有操行
斷緣捨俗師事淨因大長老道楷得骨與髓竟一大
事予自巴陵蒙恩試守定陶過家待次每聞其言條
然有遺世之意古所謂善知識者覺傳曹洞心印自
原而下四世而出洞山价价傳之九峯滿滿傳之
靈寂藏傳之國安志志傳之梁山觀觀傳之大陽

錄之末青才得之寄付之餘蓋其中不絕如
此殆與普嚴之屢廢興無異真若符契所偶故予
叙之使後有考焉崇寧五年冬至記

修城記

王鴻儒

南陽人禮部尚書

君子保民之政非一端也而城郭爲要蓋比閭井邑丘甸之制所以聯屬教養乎民固已用其極然非高墉深洫重門抱柝則無以待暴客而支變一有緩急民何恃而不潰耶是故勇夫重關王公

險自古此制已嚴而水壩之祭伊耆氏又已列葵
蜡之一矣莒特陋而不備楚旬日克其三都豈
築堅完魏太武圍三月而不能破城郭之修否其
如此裕州故漢堵陽地屬南陽郡在堵水之陽漢
後漢朱佑爲堵陽侯梁於此置堵陽郡隋改方城
取方城山爲名也唐屬洧陽郡貞觀改屬壽州
元和郡縣志者如此宋始爲裕州元及明因之

居天下之中路當南北之要衝

五民笙歌沸天廬開撲地如是者二百餘年之
無備變之慮民無意外之警城惡池湮視爲尋常
正德辛未冬鉅賊劉惠等犯州城大肆戕殺衢路爲
赭金帛芻粟掃地俱空官寺民居蕩爲焦土累葉繁
盛一旦蕭然吁可哀矣乙亥秋三原郝侯來守省費
解煩興利除害而於所以敬教勸學敦化善俗尤切
切焉踰年且有樂生典事之情侯因悼前之失而虞
後或復然也召其父老謀爲可久之規議得請於上

於是具磚石鳩匠作計徒傭儲餼廩物無不具用無
不周仍訪詢州民得端慎可任者李經等四十一人
令分董其工諭以利害厚以禮貌衆感其誠皆罄心
力不下會勸之法不行督迫之令不施笞箠之威期
年而工告成蓋經始於丙子之八月斷手於丁丑之
九月完雄壯麗甲於一省見者皆言喁齊如裁彤平
若砥壁鬱青霧樓絢丹霞耳目所經未嘗有也侯
心坦如殊無德色巡撫都御史李公上修家知

文巡屬俾視以爲法巡按御史毛君汝礪稱其
美德而不居成大功而不伐謂有古君子之風而分
寺叅政王君汝溫亦謂偉績若是宜有述以示後故
州之耆壽僉憲周先王繼先暨諸縉紳以予忝在隣
邑具書來請予不能辭也予聞之先訓惠則足以使
人又曰其使民也義又曰悅以使民民忘其勞又曰
以佚道使民雖勞不怨世之讀者恒謂空言今侯營
建之盛而閉絕誚讓屏斥桁楊一用惠義悅佚之道

迄底於成是豈不足以塞庸衆人之口乎昔韓氏城
新城期十五日而成段喬爲司空有一縣後二日段
喬執其吏而囚之囚者之子走告封人子高曰惟先
生能活臣父之死願委之先生封人子高乃見段喬
自扶而上城曰美哉城乎一大功矣自古及今若此
其大也而能有無罪戮者未之有也封人子高出段
喬使人夜解其吏之束縛而出之夫韓氏之趙則過
矣也子高之願言出於詐也段喬之殺吏今